

Na osnovu člana 106. stav (3) Zakona o visokom obrazovanju ("Službene novine Kantona Sarajevo", broj: 36/22), člana 173. stav (4) Statuta Univerziteta u Sarajevu (broj: 01-14-35-1/23 od 26.07.2023. godine), čl. 16. i 17. Pravila studiranja za treći ciklus studija na Univerzitetu u Sarajevu – doktorski studij (broj: 01-4-9-1/24 od 28.02.2024. godine), Prijedloga odluke Vijeća Univerziteta u Sarajevu - Elektrotehničkog fakulteta (broj: 01-1916/25 od 13.06.2025. godine), Odluke Senata Univerziteta u Sarajevu o davanju saglasnosti za raspisivanje konkursa za upis studenata na III (treći) ciklus studija - doktorski studij u studijskoj 2025/2026. godini (broj: 01-9-21/25 od 16.07.2025. godine), Univerzitet u Sarajevu - Elektrotehnički fakultet, *o b j a v l j u j e*

KONKURS

za upis studenata na III (TREĆI) CIKLUS STUDIJA - DOKTORSKI STUDIJ
na Univerzitetu u Sarajevu - Elektrotehničkom fakultetu
u studijskoj 2025/2026. godini

I

Konkurs se raspisuje za upis studenata na III (treći) ciklus studija – doktorski studij na Univerzitetu u Sarajevu - Elektrotehničkom fakultetu u studijskoj 2025/2026. godini, koji se organizuje za naučne oblasti studija i broj studenata kako slijedi:

Oblast studija	Broj kandidata za upis u prvu godinu studija	Broj kandidata za upis u drugu godinu studija
Automatika i elektronika	8	3
Elektroenergetika	8	3
Računarstvo i informatika	8	3
Telekomunikacije	8	3

Treći ciklus studija - doktorski studij u studijskoj 2025/2026. godini se organizira za upis u prvu i drugu godinu studija (za kandidate koji su završili magistarski studij po propisima koji su bili na snazi prije uspostave bolonjskog sistema studija), traje tri studijske godine (šest semestara), obim studijskog programa ovog studija vrednuje se sa 180 ECTS studijskih bodova, a njegovim završetkom stiče se naučni stepen doktora tehničkih nauka u datoj oblasti.

II

Pravo učešća na konkursu pod jednakim uvjetima, imaju državljani Bosne i Hercegovine i strani državljani, za koje je nakon izvršenog postupka nostrifikacije, priznavanja inostrane visokoškolske kvalifikacije ili ekvivalencije o prethodno završenom ciklusu/stepenu studija utvrđeno da imaju završeno adekvatno obrazovanje za nastavak studija.

Na konkurs se mogu prijaviti kandidati koji su stekli diplomu drugog ciklusa studija, integriranog studija, akademskog specijaliste i magistra nauka prema predbolonjskom sistemu studiranja, iz odgovarajuće naučne oblasti.

Kandidatima koji su stekli titulu magistra nauka prije uvođenja bolonjskog sistema studiranja, prizna se 60 ECTS studijskih bodova – kredita.



III

Visina participacije cijena usluga i školarine za III (treći) ciklus studija - doktorski studij iznosi 4.000,00 KM (četirihiljadekonvertibilnihmaraka i 00/100) po godini studija, odnosno ukupno 12.000,00 KM (dvanaestihiljadakonvertibilnihmaraka i 00/100) za sve tri godine studija.

Kandidati koji su stekli titulu magistra nauka prije uvođenja bolonjskog sistema studiranja plaćaju dvije trećine ukupne cijene studija.

IV

Uz prijavu na konkurs za upis na III (treći) ciklus studija - doktorski studij, u kojoj je neophodno naznačiti oblast na koju konkurišu, kandidati su obavezni dostaviti dokumentaciju kako slijedi:

1. Biografiju sa opisom naučnih i stručnih aktivnosti, te popisom objavljenih radova (bibliografijom);
2. a) kandidati koji su prethodno obrazovanje stekli u Bosni i Hercegovini, u skladu sa bolonjskim sistemom studija, dostavljaju:
 - diplomu i dodatak diplomi prvog i drugog ciklusa studija;b) kandidati koji su prethodno obrazovanje stekli u Bosni i Hercegovini u skladu sa propisima koji su bili na snazi prije uspostave bolonjskog sistema studija dostavljaju:
 - diplomu i uvjerenje o prosjeku/prijepisu ocjena za pred/dodiplomski i postdiplomski studij;
3. Studenti koji su završili drugi ciklus studija mogu do izdavanja diplome i dodatka diplomi za drugi ciklus studija, predati uvjerenje o završenom drugom ciklusu studija i uvjerenje o prosjeku/prijepisu ocjena na drugom ciklusu studija, ukoliko se promocija i dodjela diploma vrši nakon završetka roka predviđenog za dostavljanje prijave za upis po ovom konkursu.
4. Rješenje o nostrifikaciji diplome odnosno rješenje o priznavanju inostrane visokoškolske kvalifikacije, za kandidate koji su stekli prethodno obrazovanje izvan Bosne i Hercegovine, ili potvrdu da je taj postupak u toku;
5. Nastavni plan i program završenog pred/dodiplomskog/prvog ciklusa studija i magistarskog/drugog ciklusa studija dostavljaju samo kandidati koji nisu završili studij na Univerzitetu u Sarajevu - Elektrotehničkom fakultetu;
6. Izvod iz matične knjige rođenih i uvjerenje o državljanstvu, odnosno prva stranica pasoša za kandidate koji nisu državljani Bosne i Hercegovine.

Konkursom tražena dokumentacija se dostavlja u originalu ili ovjerenoj fotokopiji. Konkursna dokumentacija se ne vraća.

Prijave sa potrebnom dokumentacijom sa naznakom *"PRIJAVA NA KONKURS ZA UPIS NA III (TREĆI) CIKLUS STUDIJA – DOKTORSKI STUDIJ NA UNIVERZITETU U SARAJEVU - ELEKTROTEHNIČKOM FAKULTETU"* dostavljaju se u zatvorenoj koverti lično (svakim radnim danom od 8:00 do 16:00 sati) u Dekanat Univerziteta u Sarajevu - Elektrotehničkog fakulteta (prvi sprat, kancelarija 1-30) ili preporučenom poštom na adresu: Univerzitet u Sarajevu - Elektrotehnički fakultet, Zmaja od Bosne bb (Kampus Univerziteta u Sarajevu), 71000 Sarajevo.



Nepotpune i neblagovremene prijave neće se uzimati u razmatranje.

VI

Konkurs za upis na III (treći) ciklus studija - doktorski studij ostaje otvoren 15 dana od dana objavljivanja (prvi upisni rok).

U slučaju da u prvom upisnom roku broj kandidata za upis bude manji od broja predviđenog za upis iz tačke I ovog konkursa, Univerzitet u Sarajevu - Elektrotehnički fakultet može organizirati i drugi upisni rok za nepopunjeni broj mjesta.

Sve dodatne informacije, zainteresirani kandidati mogu dobiti u Službi za pravne, personalne i opće poslove Univerziteta u Sarajevu - Elektrotehničkog fakulteta ili na broj telefona: +387 33 250 - 713.

